


# KUZIKKWA MUKABANDA

 Taata Wakujulu Ulelekedwe, a i—i Busyu bwa Muuya Uusalala nkobuli kale ano, twa swena ku Ijwi Lyako Lisalala. Elyo nekuba njisi jwi litali kabotu kusola kulesya, a kukanana majwi buyo bucebuca akusitikila mbuli Mbwe konzya, Ndi lomba busolozzi Bwako bwa Buleza a kunanikwa kwa Muuya Uusalala kweenda akati kesu sunumasiku. Elyo ndiza Oyo Walo uulikokonse, ndiza inga Wa bweza Ijwi lya Leza aku Li pa ku moyo aumwi, mbuli buyo mbo tubulide. Akube kuti Atu sanine sunumasiku, ku zintu zibotu zya Leza.

<sup>2</sup> Elyo sunumasiku, kuciindi notwa ambaula aa Ijwi, akube kuti myoyo yesu isakane mamaile manji mu Kalivari, oko Jesu nkwa bbadela muulo ujisi zyonse wakali kuyandika ku imbata mpati zya Leza, kuzwida mu muunda wa Edeni. Alimwi sunu akube kuti tuzibe kuti twa kalulamikwa cabuyo ku bubuke Bwakwe, a ku lufu, kuzikkwa, a bubuke Bwakwe.

<sup>3</sup> Elyo sunumasiku ta tucili ba inyika, nkambo twa kaulwa a muulo wa Bulowa buyandisi bwa Mwana wa Leza. Elyo akube kuti swebo, a myoyo ilumbide, tunyonene kuli Nduwe sunumasiku, a mizeezo a nsana zyonse, a ceeco cili mukati kesu, aku Ku belekela a moyo, uunjoloma uutakwe bubi.

<sup>4</sup> Kopa sunumasiku, Taata, ikuti na kwaba bamwi omuno batana Ku ziba, mu kujatilwa kwa ziba zyabo, akube kuti aya masiku basike cabubombe ku ciingano, alimwi okuya balyaambilile zibi zyabo kuli Leza ululeme, ku kujatilwa. Elyo akube kuti aya abe masiku malemu kuli ndiswe tonse. Twa cilomba mu Zina lya Mwana Wako, Mwami Jesu. Ameni.

<sup>5</sup> Lino twa ziba kuti takukwe umwi, mu nyika, uukonzya kukwanya kubweza Ijwi lya Leza aku Li yubununa, nkaambo Ijwi lyakalembwa ku bunanike. I Muuya Uusalala ngo Mulembi wa Ijwi.

<sup>6</sup> Elyo cindi umwi naka yandaulwa, ku Julu, kuti abweze Bbuku akunamatula Zinamatizyo, teekwa kajanwa umwi ku Julu, nanka mu nyika, nanka kungsi lya nyika, oyo wakali kweelela kunamatula Zinamatizyo, na nokuba kuli langa Bbuku. Elyo kwakali Kabelele Okuya waka jaigwa kuzwida ku malengelo aa inyika, nkabela Wa kasika akubweza Bbuku kuzwa mu janza Lyakwe oyo waka kkede aa Cuuno cabwami, aku namatula Zinamatizyo a kujula Ijwi.

<sup>7</sup> Elyo tula syoma sunumasiku a kulangila muli Nguwe, kuti Uyo jula Ijwi kuli ndiswe, alimwi eno mbuli mbo Ndi bala mu chipati ca 2 ca Incito.

<sup>8</sup> Mbuli Mbwe vozya, masiku mataanzi akali a *I Kuboola Kwabili*, alimwi . . . kwa Mwami Jesu, mukuba Bwatatu. Alimwi masiku Bwane wakali wa *Cituuzyo Cili Jisilidi Zyoonse*. Alimwi Bwasanu masiku wakali a *Mulungo Uli Jisilidi Zyoonse; I Bulondosi*. Sena mwa kaumvwa masiku ainda? *I Bulondosi*, obo mbo tukonzya kubula tumpenda cakumaninina akulondoka kumeso aa Leza! Alimwi sunumasiku uli aa *Kuzikkwa Mukabanda*. Alimwi juunza, *I Bubuke*. Mbuli buyo mazuba accilila.

<sup>9</sup> Lino Nda sala sunumasiku, ku kubala kwa Lugwalo lwangu, kuzwa mu Bbuku lya Incito, chipati ca 2 tumpango twa 25, 26, aka 27, kusanganya. Elyo Lya amba mbuli boobu, Petro kakanana.

*Davida, nkambo Davida waakanana kujatikizya nguwe, Nda kabona kaciza Mwami lyoonse kunembo lya busyu bwangu, nkambo uli ku janza lyangu lyalulyo, kuti Nta zungaanisigwi:*

*Nkikaako moyo wangu wakabotelwa, a mulaka wangu waka kkomana; mu kusanganya mubili wangu awalo uyo lyookezya mu bulangizi:*

*Nkaambo to ka siyi buntu bwangu mu gehena, naanka kuyo lekela Umwi Uusalala wako kubona kubola.*

<sup>10</sup> Ino ncibalo cibotu ca busiku obu, caku janina ciiyo Cakwe mu kuba mu kabanda.

<sup>11</sup> I cintu citaanzi tu yanda kulanga . . . kuleta kuswiilila kwanu ku, nkwa kutakakilwa kwa Ijwi lya Leza. Leza ulazwidilizya Ijwi Lyakwe, mbuli mbo kweelede. Elyo sunumasiku tu yanda kulungamika miyeeyo yesu ali ceeco, kuteeti Leza ulazwidilizya Ijwi Lyakwe. Inga twaba a kaanzambwene kali cintu cili conse eco Leza nca kaamba mu Ijwi Lyakwe, kuba Bwini. Elyo lusyomo talu yaamini ku misenga ilonga iya mizeezo ya muntu na lwiyo lwabukombi ilwa muntu, pele lujisi mayaamino alo amamanino aa Mwaala uutasunzuki wa Ijwi Litamani lya Leza.

<sup>12</sup> I Ijwi! Ikuti na waka lwaamba, obo Mbwini bwa lyoonse. Ta konzyi kubu josya a kuti, “Nse kali kanzila.” Nda konzya kwamba zintu alimwi inga waamba zintu, mpawo tula abube bwa kucijosya, nkaambo twa kacaamba kububotu bwa luzibo lwesu aku bubotu bwa kukonzya kwesu. Pele, mpawo, Leza ulandeene kapati kuzwa kuli ndiswe. Walo mupatikompatila, nkikaako Ta ambi cintu cimwi citabuyo cilondokede kumaninina. Ta elede kuli josya pe, taelede kulilekelela kuli ceeco Nca kaamba. Ci laimikila lyoonse, Mbwini.

<sup>13</sup> Nokuba kuli Jesu, mu mazuba aya mapati ngo tuli mu kusekelela, cindi Leza nakajaya Mwana Wakwe nconzyo nkambo ka zibi zya inyika, antela yakali myaka ili zyuulu

kakutanaba noiba ntalisyo ya nyika kubambwa. Leza wakaamba Ijwi, nkabela Nci pange cakabambwa ku Julu cindi Leza acikanana; caka manizigwa kale. Oh, ikuti twa konzya biyo kujata eco nco caamba, ino inga twaba bantu bali buti! Kubona mu Mabbuku Aakwe, imbeta zya kabikkwa omu nkambo ka kutaswiilila, inga kwabamba muntu kulilingula mwini, oora a oora; alimwi inga cabamba mululami kubotelwa, oora a oora, kubala zilongezyo Leza nzya kasyomezya kuli basyomeka. Elyo tula konzya kuyaama ca kaanzambwene kuti Ijwi lyonse liyo zulizigwa, kujata buyo buntu bwesu ali ncico. Ca kali boobo lyoonse.

<sup>14</sup> Cindi Leza nakaamba kuli Nowa, kaindi loko mu inyika zambangulwe pati; antela Bbaibbele kali tanninga kusola kulembwa, na eli Bbaibbele, nekuba, lyakasola kulembwa; Leza wakaambila Nowa kuti kwakali kuboola nguwoyamvula, nkabela meenda ayo vumba nyika. Elyo kakutakwe kabeela komwe ka bumboni kuti ciya kucitika, zintuzyonse kaziimpene kapati, Nowa wakeenzegwa a kuyooowa, nkabela wakayaka bwaato, kabu bamba. Bwa kali bwa kuvunina beng'anda yakwe a lwakwe. Leza taka mulekelezya, nkaambo lyakali Ijwi Lyakwe. Ca kacita kucitika cindi Leza naka caamba kuti cyo citika.

<sup>15</sup> Lino, cindi Jobu, Bbuku lya kaindi maningi mu Bbaibbele, antela lyakalembwa lya Matalikilo kalitana lembwa, nkabela lyaka sanganisigwa mu Bbaibbele. Elyo Musa wakalemba Matalikilo. Jobu, mu Bbuku lyakwe, wa kayaama cakumaninina aa cisyomezyo ca Leza nca kamupangila. Elyo wa kaimikila ku cipaizyo cakwe cakuumpa, kakutakwe kuyooowa mu moyo wakwe; mukuziba kuti, eco Leza nca kaamba, Leza wakali kukonzya kucicita. Elyo cindi zintuzyonse nizya kalibonya kweenda cakwiimpana, Jobu wakaima nji nkaambo cisyomezyo ca Leza kaliimvwi nji. Leza wakasyomezya Jobu, nkabela Jobu waka yaamina ku cisyomezyo eco.

<sup>16</sup> Oh, ikuti na mbungano yakonzya kusola kusika ku busena obo oko mpoi konzya kuyaama cakusinizya ku Ijwi Litamani lya Leza kuba Bwini! Ino inga kwaba lwandaano, ino nkululamika kunga kwaba, ino nkupambula kunga kwaba, ino ndutangalo lunga lwaba, ino ni nguzu zinga zyaba, cindi baalumi a banakazi nobanga babweza Leza ku mweelo uubikkidwe, eco Nca kaamba kuti Mbwini. Takukwe makani ziimo mbo zilibonya, cakuti taakwe cintu cakucita ancico. Leza wa kaamba boobo; eco caka cibamba!

<sup>17</sup> Elyo Jobu cindi nakali mu ciindi cakusolekwa kapati ku luzibo lwakwe loonse; cindi na kajanwa, mu Busyu bwa Leza, kali muntu ululeme. Naba Leza wakati wakali londokede. Kwakanyina wakali mbuli nguwe mu nyika. Elyo Saatani wakapegwa coolwe caku musunka, kati, "Njo mucitya ku Kusinganya kumeso Aako."

<sup>18</sup> Elyo wakatii butole buumi bwa Jobu, alimwi naka cicita, pele Leza wa keenga munyinza, kati, “Inga wacita cili conse kuli nguwe, pele uta katoli buumi bwakwe.”

<sup>19</sup> Mpawo cindi Jobu nakaimikila kukusunkwa nkoonya mu ciindi cipati loko, wa kati, “Ndi lizi Munununi wangu ula pona, nkabela ku mazuba akumamanino Uyo imikila atala a nyika. Nekubakuti tuuka twa lukanda twanyonyoona oyu mubili, kwalo mu mubili wangu Njo bona Leza.” Takukwe makani mbo ciboneka kusiya, ambo cilibonya kutaba kasimpe, kwakali cintucimwi eco Jobu nca kasimpa mu buntu bwakwe, cisyomezo ca Leza Citamani. Oh, ikuti twa konzya biyo kucita ceeco! Amubone, wa kayaamina ku cisyomezyo, “Ndi lizi Munununi wangu ula pona.”

<sup>20</sup> Alimwi Ndi yanda kuti mubone, ku mabala aciza Ndi yanda kwaamba kuti, Jobu wakatonkomeka busena bwakwe bwaku zikkilwa. Elyo cindi Jobu nakafwa, wa kazikkwa mbuli kwa kaambwa.

<sup>21</sup> Kwakali muntu umbi, wa zina lya Abrahamu, waka bweza Leza ku Ijwi Lyakwe. Elyo wa kasyoma Leza. Elyo wa kaita zintu ezyo zya kaimpene ku cisyomezyo Leza nzyakapa kuli nguwe, mbuli kuti tee zyakaliko. Wa kabweza Leza ku Ijwi Lyakwe. Elyo cindi mazuba nakainda, a mvwiki a myeezi, alimwi noiba myaka yakainda, eco tii caka nyonganya Abrahamu nokuceya. I Bbaibbele lyakati, “Ta kazungaana, kwinda mu kutasyoma, ku cisyomezyo ca Leza; pele wakali syomekede, kalumbaizya Leza.”

<sup>22</sup> Cindi zintuzyonse nizya kalibonya, abuzuba, cakaindila kukomena kupenzya kapati abuzuba; pele mucibaka cakuya bukompama, Jobu wakaba muyumu kapati abuzuba. Oh, ino nkaanzambwene nko tujisi! Cindi buyumuyumu bwabuka kubamba cintu, eco Leza nca kasyomezya, kutakonzeka; mucibaka cakuyoowa, kujokela mu inyika, tweeleda kwiimikila cakusiniza loko kwinda mbo twa kasola kwiimikila, ali MBUBOBU MBWAAMBA I MWAMI. Ceelede kucibamba, cindi Leza aamba cintucimwi.

<sup>23</sup> Elyo Abrahamu wakaita zintu ezyo zyakaliko, mbuli kuti tii zyakaliko, nkaambo zyaka liimpene ku Ijwi. Elyo cindi Abrahamu naka sweekelwa muyandwi wakwe a mukaintu, Sarah, niba kamana kupona antomwe kwa myaka minji, wa kaula cibeela canyika muni lya busena awo Jobu mpa kazikkilwa, a kuzikka Sarah. Kulibuzya nkaambonzi? Ba kali basinsimi! Ba kabona! Ba kakwabana a Leza! Alimwi lino cindi Abrahamu nakafwa, wa kazikkwa antomwe a Sarah.

<sup>24</sup> Lino, ta kali kuyanda aba bantu kumupa eco cibeela canyika. Wa ka cuula, kumbele lya bakamboni. Ino cikozyanyo cibotu ca lubbizyo. Wa kacuula, kumbele lya bakamboni, kuti cakali cikono cakwe. Oh, eyo nje nzila musyomi wini njaelede

kusika, kutali kuyubila mu kkona, pele kwiimikila kumbele lya bakamboni, “Ndili kamboni wa Mwami Jesu, awa Muuya Uusalala, awa milimo Yakwe mipati,” a kunji loko mbuli mbo tubona obu buzuba bubi kabuswena.

<sup>25</sup> Elyo mpawo cindi mwana wa Abrahamu, oyo wakali Izaka, cisyomezwo cakali pedwe kuli nguwe. Elyo cindi Izaka nakafwa, wa kazikkwa antomwe a Abrahamu. Elyo Izaka wakazyala Jakobo.

<sup>26</sup> Elyo cindi Jakobo waka...nakafwa kumusanza kule mu Egepita. Pele amubone, katana kufwa, wa kaambila mwana wakwe musinsimi, Josefa, “Boola okuno, mulombe, nkabela bikka janza lyako aa kasolo kangu kagwejukide.” Nkambo amuyeeye wakali gwejukide, nkaambo Angelo wa Mwami wakaguma kasolo kakwe, nkabela wa kali kusunkuta kuzwida buzuba obo. Wa kati, “Bikka janza lyako aa kasolo kangu, aku konkezya kuli Leza wa matata, kuti tokandi zikkili kumusanza okuno mu Egepita.” Nkaambonzi? Oh, ba kajisi Ijwi, ba kajisi ciyubunuzyo!

<sup>27</sup> Elyo Andi ime awa, kukwaamba kuti mbungano ya Leza muumi iyakidwe atala lya ciyubunuzyo ca Buleza; kutali atala lya kabungwe, kabunga, kutali atala lya kayanza kabuzumini na njiisyo, pele aa Bwini bwaka yubununwa bwa kumuuya ibwa Leza muumi.

<sup>28</sup> Abela, mu muunda wa Edeni, wakali cijisi cindi mbungano niya katalika. Ino wakaziba buti kuti nkuleta kabelele? Nkaambonzi ncata kaleta micelo mbuli Kaini mbwa kacita? Pele kwaka yubununwa kuli nguwe!

<sup>29</sup> Jesu kakanana lumwi, wakati, “Ino mwaamba kuti Ndi meni nde Mwana wa muntu?”

“Bamwi bakati Nduwe ‘Musa,’ a ‘Eliya,’ abumwi bumbi.”

Wa kati, “Pele Mwa amba kuti Ndi meni?”

<sup>30</sup> Nywebo mwabona, ta ciyaamini ali ceeco muntuumwi umbi ncayeeya, nceeco ncozyi kuba Bwini. “Ino *nywebo* mwaamba kuti nzi?” Oyo mubuzyo inga waswaanganya umwi aumwi wesu kumeso sunumasiku, “Ino nywebo mwaamba nzi?”

<sup>31</sup> Elyo Petro cakufwambaana kaambaula, kakutakwe kuwayawaya kumwi, wakati, “Nduwe Kristo, Mwana wa Leza muumi.”

<sup>32</sup> Mbuli Jesu Mbwa kaziba maseseke a myoyo yoonse, nkambo Ta kali umbi kunze lya Jehova wakayubululwa mu mubili, elyo Wa kati, “Ulacoolwe yebo, Simooni, mwana wa Jonasi, nkambo tali muntu uulya maila waku yubunwida ceeci, pele Taata Wangu uliku Julu nguwa cita ceeci. Elyo atala lya mwaala oyu Njo yakila Mbungano Yangu, nkabela milyango ya gehena tai konzyi Kwi izunda.”

<sup>33</sup> Elyo swebo tobantu mbuli mbo tuboola, tobana Lutherani tuyanda kweenda ku lusyomo, tobana Methodistu tuyanda koongolola kuti tuu Tambule, noba Pentekoste muyanda kwaambaula mu myaambo kuti Mu utambule, pele oko kwakali mamaile ali mamilioni alikumi kuzwa kuli Nguwo.

<sup>34</sup> Calo nciyubunuzyo ca Buleza ica Mwami Jesu Kristo, Muntu wa Ciimo Cakwe cayubululwa mu moyo, “Atala lya mwaala oyu Njo yakila Mbungano Yangu, nkabela milyango ya gehena tii Kai zundi.” Kula beleka kabotu a Matayo :24, 5:24, na Musalali Johane 5:24, “Oyo uumvwa Majwi Angu, akusyoma Nguwe waka Ndi tuma, ujisi Buumi buteeli; nkabela taka booli mu lubeta, pele wazwa ku lufu kuyaku Buumi.” Kutali kuti wa kajisi kunyawinta kumwi, kulimvwa kumwi; pele nkaambo wakaba acoolwe cakuba a Kristo kayubununwa kuli nduwe kuzwa ku Julu, “Aatala lya mwaala oyu Njo yakila Mbungano Yangu.”

<sup>35</sup> Elyo mpawo, Jakobo, cindi nakafwa, mwana wakwe waka bweza mubili wakwe, nkabela wa kazikkwa antomwe a Abrahamu, Izaka, Sarah, a Jobu, mu Manyika Aasalala, mu Palestine.

<sup>36</sup> Mpawo, Josefa, mukuba musinsimi. Wa kazwidilila kumusanza mu Egepita. Wa kalimuzi Leza. Leza wakali yubununa Mwini kuli nguwe. Elyo cindi nakafwa, wakati, “Uta kazikki mafuwa angu kumusanza okuno, pele kubi . . . cindi . . . Buzubabumwi Leza uyo muswanya ncobeni!” Nkaambonzi? Wa kayaama cakusinizya aa Ijwi lya Leza kuli Musa, “Myaka ili myaanda yone baya kubelekela cisi eci, pele Njo bagwisya.” Wa kayaama cakusinizya aa Ijwi.

<sup>37</sup> Elyo ino bupanduluzi bubotu awa, ikuti na mwalangisya. Onse Muhebrayo wakainda, a sule lyakwe kalyuumidwe kudibuka, kuli basikubinga bazike. Elyo cindi nakalanga ku mafuwa aa musinsimi wakwe, Josefa, wa kalizi kuti buzubabumwi baya kupola. Nkambo, ayo mafuwa akasiigwa okuya kuba ciibalusyo, kuti buzubabumwi baya kupola.

<sup>38</sup> Ya tandila kuba myaka ili kkumi aibili na kkumi alusele yakainda cindi Billy Paul, mulombe muniini katandila myaka yosanwe yakukomena, kaatakwe kunji. . . Twa kajisi dubaluba lisyoono ndi twa kali kutola ku cuumbwe ca banyina, ku mapaswido abuzuba cifumo cimwi, aa Pasika, mbo lyakali kuzwida buyo zuba, kuyuna atala; na kakutanaba buyo mumuni wabucedo, kwakali obo, mpawo kuya ku kuswaangana. Elyo mbuli mbo twa kali kuya bweenda kuselemukila ku cuumbwe, musankwa muniini wakasamununa ngowani yakwe mbuli mbo twa keenda kuya oko mucizi wakwe muniini a banyina nkoba kazikkilwa. Elyo wa katalika kutakata a kulila, nkabela wa kati, “Taata, sa baama bali kungsi omuya mu cigodi eco?”

<sup>39</sup> Nda kati, “Peepe, mulombe. Tabali kungsi omuya mu cigodi eco. Bali kabotu ziindi zili milioni kwiinda nduwe a Ndime.”

Wa kati, “Sena Njo babona baama alubo?”

40 Nda kati, “Ku luzyalo lwa Leza, ikuti na kociyanda, inga waba bona alubo.”

Kati, “Sena mubili wabo uyo sola kuyutuka kuzwa mu cuumbwe eci?”

41 Nda kati, “Oyandwa, jala meso ako, nkabela Ndila kwaambila kaano kaniini. Myaka minji ya mwaanda yakainda, cifumo cino, kwakali kabanda kakasyaala kaata jisi cintu.” Nda kati, “Calo nciibalusyo kuli ‘baabo boona muli Leza Kristo uyo baleteleza antomwe a Nguwe cindi Aku boola.’” Kakutakwe cimvule ca kuzumbauzya, Nda yaama cakusinizya aa cisyomezyo ca Leza Citamani!

42 Mbuli Jobu wakaindi, cindi twa mvwa kuti “itwe ku itwe, a suko ku suko,” kundi yeezya Longfellow, wa kati:

Ta ndaambili, mu myeelwe ya koomoka,  
Buumi nciloto buyo citakwe cintu!  
Elyo buntu buli fwide obo bufukula,  
Elyo zintu tazili mbo ziboneka.

Wa kati:

Inzya, buumi nkasimpe! Buumi ncizibyo!  
Alimwi cuumbwe tacili bukanze bwabo;  
Nkambo uli suko, ku suko ulajoka,  
Tii kwa kaambwa ku buntu.

43 Ba wiita kuti theofani, cakuti cindi twazwa awa tuya ku busenabumwi bumbi. Kufumbwa mbo kunga kwaba, Nda bweza Ijwi Iya muapostolo, cindi na kati, “Ikuti na eci cilao caansi na busena bwakulo kkalila bwamwaika, tuli jisi bumwi kale bulindila, kuzwa muli *obu* kunjila muli Obo.”

44 Abrahamu, Izaka, Jakobo, Jobu, boonse basinsimi, ba kalangila akusyoma kuti kwakali kuboola bubuke, kuteeti Munununi wakali kuboola. Ba kasinsima kujatikizya Nguwe. Enoki waka sinsima kujatikizya Nguwe; kayaamina cakusinizya, nakanamatika bulunguluzi bwakwe kuli ncico. Izaka, Jakobo, Daniele, Jeremiya, Ezekieli, baka yaama cakusinizya a ciindi eco Mesiya nca keelede kuyo boola.

45 Eyo bakafwa nkabela buntu bwabo yakaunka mu Paradaiso. Teeba kakonzya kuya mu Busyu bwa Leza, nkaambo (twa kali cijjiisi masiku ainda) kuteeti bulowa bwa bapoho a mpongo tii bwakakonzya kujatila zibi; bwa kazivumba zibi, kukanana zya buzuba cindi Cituuzyo cilondokede; nkaambo bulowa mu munyama tii bwakakonzya kujoka ku mukombi, nkambo mpawo nata kaleka kutuula zituuzyo zya musyobo oyo.

46 Pele cindi Mwana wa Leza nakafwa, Buumi bwakali muli Nguwe tee bwakali bumbi pele bwa Leza, bwakajoka a kutupa

bwana mu mukwasyi wa Leza. Elyo eno tuli bana ba Leza, Buumi buzwa ku Bulowa Bwakwe.

<sup>47</sup> Lino amubone cakubinda, mbuli mbo tutobela. Cindi eelyo mu Cizuminano Cakaindi, alimwi abo bakasyoma akukomba, akufwida mu Lusyomo, kabalindila eco ciindi. I kaambo abo basinsimi ncoba kacitila ceeco, akuyanda kuzikkilwa mu Palestine, ba kalizi kuti bubuke tabu kabede mu Egepita. Bwa kali kuyocitikila mu Palestaine, mulikke.

<sup>48</sup> Ako nkekaambo Nda amba sunumasiku: Ndi jisi misyobo yonse ya mazina; Ta ndikwe makani obo bantu mbo bandiita, eco ta caambi cintu kuli ndime. I cintu luzutu Nce yanda kucita, nkuziba ceeci: kuti Nda kali fwide, nkabela buumi bwangu bulisisidwe muli Kristo, kwiinda muli Leza, akunamatikwa ku Muuya Uusalala; kuti cindi Akwiita kuzwa akati ka bafu, Njo vwiila buzuba obo. Kondizikka muli Kristo, nkambo abo bali muli Kristo Leza uyo baletelezya antomwe a Nguwe ku buzuba obo.

<sup>49</sup> Ino tunjila buti muli Kristo? Bakorinto Bataanzi 12:13, “Ku Muuya omwe tonse twaka bbizigwa mu Mubili omwe, akuba basicisi nyina iba Bwami bwa Leza.” Tuli banda kuba bamuzwamasi a beenzu atala a nyika eyi, limbi, kuta yandaula ezi zintu zyanyika, pele kulangila kuboola kwa Mwaami ulelekedwe kuzo endelezya bulelo, kuzwa ku lwizi kuyaku lwizi lutakwe minyinza, cindi Aku boola mu bulemu Bwakwe. Nincobeni, tu langila Kuboola Kwakwe.

<sup>50</sup> Elyo mpawo kwiina kuzumbauzya mu mizeezo yangu, pele eco Jesu ncaka jisi mu mizeezo Yakwe cindi Na kali waano a nyika, elyo lyakali Ijwi lya Leza litakakilwi Litamani. Nkambo, tu lizi kuti muli Nguwe mwaka kkede buzule bwa Buleza mu Mubili. I Buleza boonse bwakali muli Nguwe. Wa kali Taata, Mwana, a Muuya Uusalala, pele wakakkala mu ciwa cabuntu; theofani ya Leza, cinkozya cipati ca Leza eco Nca kalengela muntu, mpawo wakamubikka mu nyika. Wa kajisi mubili. Leza kuli kuti tajisi mubili. Leza uli jisi mubili, alimwi uboneka mbuli wa muntu. Musa waka ubona, bamwi baka ubona, nkabela ulibonya mbuli wa muntu.

<sup>51</sup> Elyo nca muzeezo buyo kuti, *oyu* ngu, wa Oyo mboubede. Elyo zintuzyonse aa nyika, zya bweebesi, zya bubotu, zya bweebesi bwa nyika, tazili zintu mu inyika pele bwiinguzi bubotu maningi kwiinda obo, obo butulindila cindi twaa kusiya eyi inyika. Nkambo, zintuzyonse mu nyika nzikozanyo buyo zya zeezyo zili ku Julu. Zintuzyonse zibotu, zintuzyonse ziluleme, zintuzyonse zyeebesi, masamu, bayuni, zintuzyonse, nzikozanyo buyo zya zintu zyaku Julu.

<sup>52</sup> Buumi bwesu mbubambe buyo bumwi bwalyonse. Ncimvule buyo, akutali cintu cini. Ndubazu lwa negativu. Citola lufu kusanzya cifoto, ku tujosya mu theofani motwa kazwida. Mpawo



mu bubuke tuboola kuba mu kukozyanya Kwakwe, mubili wa kabuka. Ino ncibotu; kutali buyo cibotu, pele Mbwini, ncobeni busetekene bwa Ijwi lya Leza Litamani, cakuti tuyooba mbuli Nguwe.

<sup>53</sup> Amubone lino, Jesu kapedwe inguzu zyonse zya Leza, pele, cindi Na kaswaana Saatani, Ta kasola kuzibelesya inguzu Zyakwe. Wa katondeka biyo ku Ijwi! Wa kacita. Wa kati, “Kuli lebedwe, ‘Muntu taka poneni ku cinkwa cilikke, pele ku Ijwi lyonse lizwa mu mulomo wa Leza.’”

<sup>54</sup> Mpawo mbobuti mbo konzya kwaamba kuti inga wakkala ku ng’anda akuba buyo mbuli Munakristo mubotu mbuli mbonga waba ku mbungano? To konzyi kucicita. Kobala Ijwi! I Muuya Uusalala ulya Ijwi. I Bbaibbele ncilyo ca Leza cakumuuya ica Mbungano Yakwe. Alimwi Muuya Uusalala Ngo Umwi uli Leta kuli nduwe aku Li bikka mu moyo, nkabela akupakulumba kula Li tilaila. Elyo cisyomezyo conse ca Buleza ciyo leta nconzyo eco Leza nca kaamba kuti ciyooba. Ceelede kucita. Ndi Ijwi Lyakwe, alimwi Lyalo Mbuumi.

<sup>55</sup> Lino, Nda cita kuluba ceeco Nce elede kuba aco mu cisela caora. Ci nditolela ciindi cilamfu kusika kuli ceeco Nce yanda kwaamba.

<sup>56</sup> Pele amubone Jesu mu oora lya mamanino, na obilo, aa buumi Bwakwe, masinsime, manji manji aka zulila.

<sup>57</sup> Umwi waka ndaambila kuti, “Mukwesu Branham, *eci* ceelede kucitika, alimwi *eco* ceelede kucitika.”

Nda kati, “Inga cacitika mu oora.”

<sup>58</sup> Ikuti na mwabala Ntembauzyo 22, alimwi mpawo akulangilila oora Lyakwe lyakufwa aa ciingano, Nda luba buyo kuvula kwa masinsime mabotu loko aka zulila mu maora obilo na otatwe amamanino aku buumi Bwakwe! Nincobeni, “Ba kayasa matende Aangu a maanza Aangu. Leza Wangu, Leza Wangu, nkaambonzi Wa Ndi siya?” aamwi ambi, mbuli Davida mbwa kacoompolola.

<sup>59</sup> Elyo mpawo cintu cimbi Nce yanda kuti mubone, Bwini, cibeela citakakilwi ica Ijwi lya Leza. I Bbaibbele lyakati, “Ula bamba onse mafuwa Aakwe, taakwe lyomwe lya ngawo lityokede.” Nkambo mu cikozyanyo, kabelele ka pasika wakali cikozyanyo ca njiyo. I kabelele keelede kubula kampenda, taakwe mafuwa atyokede eeledde kuba mu kabelele. Elyo ku oora cindi Na kali. . . Wa kafwa, ba kaunka kutala kuyo pwaya maulu Aakwe kubelesya nsando. Elyo kakutanaba buyo. . . Amulange ku ciindi eco nciconya cipati! I muntu kajisi nsando, kalibambide kuuma maulu Aakwe, pele Ijwi lya Leza lyakati, “Takukabi cifuwa comwe cityokede mu mubili Wakwe.”

“Mbobuti mbo ciyo citika?” Tula binda.

<sup>60</sup> Ijwi lya Leza Tali mani! Ikuti na Ijwi lya Leza lilondokede obo, abalo bali muli Kristo baya kubuka masimpe mbuli mbo kuli bubuke. Leza uli sinikizidwe ncobeni ku Ijwi Lyakwe, ku kuponya, mbuli Mbwa bedede kukufutula nduwe. Nkambo, Walo, ndi Ijwi Lyakwe lya kacisyomezya. Ndi Ijwi lya Leza, alimwi ta tujisi nguzu zya kugusya kuli Ndilyo. Pele kwaamba buyo kuti, “Bwalo Mbwini.” Ko Lisyoma! Takukwe makani eco cicitika, Ko Lisyoma, nekuba. Eyo nje nzila bamwi babo mbo baka Li syoma, alimwi tatu tantamwidwe kuzwa kuli ceeco. Leza wakapa Palestine kuli Israyeli, pele baka cita kulwanina kabeela konse ka busena nkoba kajisi. I cisyomezyo ncaico, pele weelede kulwanina kabeela konse nko taminina; dyabulosi uyo cibona eco, ncobeni uyocita.

<sup>61</sup> Pele amubone cindi niba kalibambila kutyola mauulu a Mwami wesu Jesu, ikuti na eyo nsando niya kauma kuulu oko a ku kutyola, Leza nekunga wakajanwa kuba mubeji. Pele kwakanyina madaimona manji mu kupenzya konse kusiya kulekela eyo nsando kuuma oyo mubili muyandisi. Nkambo Davida, myaka ili myaanda ya lusele kakutanaba kwalo, kati, “Takukabi cifuwa comwe ciyo tyolwa mu mubili Wakwe.” Ijwi lya Leza lyelede kwiima kuba Bwini.

<sup>62</sup> Pele ino baka citaanzi kaindi? Ba kabweza sumo a kuli waala mu lubazu Lwakwe, a Bulowa a maanzi zyakazwa, ku kuzulizya eco Bbaibbele ncolya kaamba, “Ba kayasa maanza Aangu a lubazu Lwangu.” I Ijwi lyaka zulila.

<sup>63</sup> Lino cindi Na kali kufwa, oh, ino lyakali oora liyoosya kapati! Nda yeeya lwiimbo olo, alimwi, nkasimpe, lundi bamba kulimvwa bubi, cindi Nda yeeya olo lwiimbo sikuyabila ndwa kalemba myaka minji yakainda.

Akati kupa myaala a kusizya milengalenga,  
Mufutuli wangu wakakotamika mutwe Wakwe  
a kufwa;  
I cisitilizyo cakajuka caka yubununa nzila  
Ku lutangalo lwa Majulu a buzuba butagoli.

<sup>64</sup> Elyo cindi Na kali kulengelela okuya, kazwa malowa akufwa, cindi Na kakotamika mutwe Wakwe, zuba lya kausa loko likamwini, kulanga ansi ku zilenge zifwika ezyo Leza nzya kalenga mu cinkozya Cakwe, kacita kubbadela muulo uli obo kutegwa ka cinununa, zuba lyaakaka kulanga ansi ku nyika mu oora eelyo. I mweezi wakausa bweeme loko kusikila wa kasantolola busena bwawo. Alimwi nyenyeezi zya kafutatila nyika. Ino cintu cibyaabi cibi mbo cakeelede kuba! Obo Leza mbwa kacita kucibeleka!

<sup>65</sup> Elyo kubona abo bapaizi basabula, a mate kalengelela kumeso Aakwe. Ii muntu waka Mu uma ku mutwe, kubelesya lufulu, a kuti, “Ikuti na Uli Musinsimi, kotwaambila Wa kuuma.”

Umwi wabo wakamozola cilezu kuzwa kumeso Aakwe, aku Mu bakula lubayi kumeso, aku Mu yandila kumu gwasilizya Mwini.

<sup>66</sup> Wa kati, “Ikuti na Bwami Bwangu bwakali bwa inyika eyi, Ne ita Taata Wangu mpoonya awa, Na Ndi tumina malegioni ali kkumi aabili a Baangelo.”

<sup>67</sup> Ni kwaka cinca, pele mbobuti Mbwa kali nocicita? Ta taka cicita buya, nkambo bakali bana Bakwe beni bakali koompolweda Bulowa Bwakwe. Sa inga mwayeeya muzyali, taata, a bana bakwe beni (mu mudima) kabaompolweda bulowa bwa bawisi beni? Ako nkekaambo Nca taka konzya kucita cimbi cita kufwa. Ikuti na Ta kacita, lwakali lunyoyooko lwa bana Bakwe, lwakali lunyonyooko lwa zilenge. Pele Wa kacita kufwa, kuti afutule bantu Bakwe.

<sup>68</sup> Elyo cindi Na kafwa, cindi Na kakotamika mutwe Wakwe, eyi nyika yakaindi yaka jisi kubimba kwakali kweenda kusule kwayo. Kweelede kuti kwakali kunyongana kwakuyeeya, nkambo Bbaibbele lya kuti “nyika yonse, kuzwa kucindi ca sikisi kusika ku naini, yakali kusiya, oonse atala lya busyu bwa nyika.” Elyo nyika yaka zungaana, a myaala yakaanduka. Elyo cisitilizyo camu tempele cakazapuka kuzwa aatala kusika ansi; zijailo zya zituuzyo zya kapindamunwa. I Mwana wa Leza muumi wakafwa. Wa kali fwide kapati kusikila zuba lya kakuziba. Wa kali fwide kapati kusikila mweezi wa kakuziba. Wa kali fwide kapati kusikila nyenyeezi zya kakuziba. Wa kali fwide kapati kusikila nyika ya kakuziba. Wa kali fwide kapati kusikila tuntu twa kakuziba, milengalenga ya kakuziba. Zintuzyonse zyaka ziba kuti wakali Mwana wa Leza! Nkambo, Ijwi lya Leza tiilya konzya kukakilwa, Wa kasyomezya, kuzwa ku muunda wa Edeni, “I lunyungu lwakali kuyo cuzaula mutwe wa muzoka.”

<sup>69</sup> Lino ncinzi cakacitika kuli Nguwe? Nkokuli Nkwa kaunka cindi Na kazwa ku ciingano akuunka mu kabanda ka Josefa waku Arimatiya?

<sup>70</sup> Wa kali mucete kapati cakuti Ta kajisi busena bwaku lazika mutwe Wakwe. Wa kazyalilwa mu cilido, a zina bbi kusule Lyakwe, mbuli “mwana wamusokwe.” Wa kasekwa, ka fubaazigwa, ka sabulwa, mu nyika. Wa ka fubaazigwa, a kukakwa. Elyo cindi Na kafwa, Wa kacita kufwa kwindi mu cisubulo calufu, akati ka babbi bobilo. Alimwi kwakanyina akwalo busena bwaku Mu zikkila, alimwi Wa kazikkilwa mu cuumbwe ca muntu umbi. I Leza nguonya waku Julu kaboola ku nyika! Ino tuyeeya kuti ndiswe bani, abo beelede kwindi mu kabeela konse ka kupenga? Eco Nca katucitila! Ko ciyeeya, mweenzuma, kocilanga langa.

<sup>71</sup> Musooja muna Roma wakati, “Nincobeni, oyo Mwana wa Leza.” Sizibi waka kuziba. Judasi wakati, “Nda aba Bulowa butakwe kaambo.” Wa kacita kubuziba. I nyika yonse ya kakuziba.

<sup>72</sup> Mpawo nkokuli Nkwa kaunka? Cindi muntu afwa, sa oko kula cimanizya? Peepe, munene. Wa kacita kufwa munzila eyo nkambo Bbaibbele Iya Leza Iyakati Wa kali kuyooofwa munzila eyo. Elyo Wa kalisyoma Ijwi Iya Leza. Ako nkekaambo Wa kakonzya kwaamba, mu buumi Bwakwe, “Amu nyonyoone tempele eli, nkabela Njo libusya mu mazuba otatwe.”

<sup>73</sup> Nkambo Davida wakati, mubusena bumwi, biyo, mu Bbaibbele, kungsi Iya bubanike, cindi Davida, mwana wa Leza, musinsimi oyo wakananikidwe a Ijwi, nakati, “Nse kalekeli Umwi Wangu Uusalala kubona kubola, naanka kuti Nse kasiyi buntu Bwakwe mu gehena.”

<sup>74</sup> Jesu wakati, “Amu unyonyoone oyu mubili, nkabela Njo ubusya mu mazuba otatwe.” Wa kalizi kuti Ijwi Iya Leza nilyata kakakilwa. Oh, ma!

<sup>75</sup> Ikuti Na kayaama cakusinizya ali ceeco, kasyoma kuti Ijwi Iya Leza nilyata kakakilwa, nkunji buti nko tukonzya kuyaama cakusinizya kuteeti twa kazyalululwa ku Muuya Uusalala, alimwi Ula pa bumboni mu myoyo yesu ndyoonya lino kuteeti tulizi Munununi wesu ula pona alimwi uyo boola alubo buzubabumwi. Kuyaama cakusinizya kuti abo bali muli Kristo Leza uya kubaletelzya antomwe a Nguwe! Lino amubone.

<sup>76</sup> Ngooyo Mbwa kabede. Wa kalizi kuti taakwe seelo lyomwe Iya mubili oyo Iya kalino bola. Maora ali makumi ali ciloba aabili, kubola kulatalika akuyabuya. Ako nkekaambo Ta kasola kukkala mazuba otatwe. Wa kafwa Bwasanu masikati, wakabuka Munsondo kuseeni. Pele, mwakali moonya mu mazuba otatwe. Moonya mu mazuba ayo otatwe Na keelede kubuka alubo, nkaambo Wa kasyoma Ijwi Iya Leza.

<sup>77</sup> Mpaawa Wa unka! Mpaali Mpa kazwida cindi Na kainka? I Bbaibbele Iyakati, “Wa katanta kujulu. Wa kainka a kukambaukila buntu bwakali mu ntolongo, obo bwata keempwa mu kukkazikamoyo ku mazuba akwa Nowa.” Buntu Bwakwe, Muuya Wakwe, theofani Yakwe ya bulenge Bwakwe Mwini, waka selemuka. Atu Mu tobele. Sa inga mwayanda, sunumasiku, ku Mu tobelu mu maminiti masyoonto? Atu bone oko Nkwa kaunka.

<sup>78</sup> Kungsi biyo kwa zilao zya bantu bafwika kabakkede mu cikikalilo ca nguzu zya madimona; kungsi oko...atala buyo kuli obo buntu bwa bataluleme; kungsi kwa mbubo kuli bulelo mbubonya bwa Saatani, gehena. Mpawo atala buyo kuli Muuya Uusalala; mpawo kungsi Iya Cipaililo kuli buntu bwa bantu baluleme; butobela ngu Leza Mwini. Umwi utozya aansi, umwi utozya kujulu; myuuya yobilo ili awa aa nyika, kongelezya bantu ba nyika eyi.

<sup>79</sup> Elyo cindi Jesu nakafwa, Wa katanta, ansi awo. Nda konzya ku Mu bona obo Bwasanu masikati, kwiinde lufu Lwakwe, [Mukwesu Branham wakonkomona—Mul.] konkomona

ku mulyango wa zilao zya basweekede. Atu Mu tobele asyoonto buyo. I mulyango wajuka. Kwakali banakazi, kwakali baalumi, kwakali balindu bakubusyi, kwakali bakacembaala, boonse bakali antoomwe mu busena obo busesemya butegwa ntolongo ya myuuya iisweekede.

<sup>80</sup> Ikuti na Nda jisi ciindi, ne Nda yanda kumwaambila. Elyo inga caba buyo cilengaano. Pele ciindi comwe Ne kaswaaya busena obo, nkabela ndaka kwiilila luse, cindi Ne kali sizibi nke pandulwa. Cindi Ne kazwa, Nda kaliimvwi Kumbo, a maanza angu kutozya ku Julu, a ciingano kacindi mwekela.

<sup>81</sup> Pele mu busena obo bwakoomoka omuya, Jesu wa keenda kuya ku mulyango. Zintuzyonse zya kacita kupa bumboni kuti Wa kali Mwana wa Leza, nkaambo baka kambaukilwa mu kukkazikamoyo mu mazuba akwa Nowa. Konkomona aa mulyango, Wa kati, “Ndime Oyo Walo Enoki ngwa kaamba. Ndili Lunyungu lwa mwanakazi, wa keelede kuczaula mutwe wa muzoka. Lyonse Ijwi lya Leza lyeedelede kuzulizigwa; Nda kazwaa kufwa kulaale ku Kalivari, alimwi Nda kaula Mbungano Yangu. Elyo Umwi Enoki ngwa kaamba, Nde Ndime.” Elyo tiiba kajisi luse, kaatakwe bulangizi, nkaambo ba kasotoka milao. Elyo mulyango wakajalwa kumeso akwe.

<sup>82</sup> Kuyaansi mu zilao zya madaimona! Kuyaansi nkoonya ku milyango ya gehena! Wa konkomona ku mulyango. [Mukwesu Branham wakonkomona—Mul.]

<sup>83</sup> Eci nce ciindi Na kali mu kabanda, mubili Wakwe ka, lindila bubuke. Wa kaswaya masena ayo abaluleme a bataluleme nko baya; oko nkoya kuunka bumwi bwa mazuba aya, kuli bumwi na masena amwi.

<sup>84</sup> Elyo Wa konkomona ku mulyango wa gehena. [Mukwesu Branham wakonkomona—Mul.] Alimwi, cindi Na kacita, dyabulosi wakayutuka. Elyo Nda konzya kumumvwa kati, “Oh, aboobo Wa sika kumalekelo. Nda kali kuyeeya ncobeni kuti Nda ka Ku jata cindi Ne kajaya Abela.”

<sup>85</sup> Nywebo mwabona, cindi olo Lunyungu lwaka syomezegwa mu muunda wa Edeni, dyabulosi wakazumanana kusola kujaya olo Lunyungu. Elyo lufu lwa Abela, a kusika kwa Seti, lwakali lufu buyo, kuzikkwa, a bubuke bwa Kristo. Olo Lunyungu lweelede kuzumanana. Elyo wa kasoleka ku Lu nyonyoona.

<sup>86</sup> Wa kati, “Nda kali kuyeeya kuti Nda ka Ku jata cindi Ne kanyonyoona Abela. Nda kali kuyeeya kuti Nda ka Ku jata cindi Ne kanyonyoona basinsimi. Nda kali masimpe kuti Nda ka Ku jata cindi Ne kakosola mutwe wa Johane. Pele lino, akwalo, Wa boola. Nda Ku jata lino.” Oh, ma!

<sup>87</sup> Nda konzya ku Mu mvwa kati, “Saatani, boola okuno!” Ngu Simalela eno. Watambikizya, kukwempa kkii wa lufu a gehena kuzwa ku lubazu lwakwe, kwa lengelezya ku lubazu Lwakwe

Mwini. “Ndi yanda kukuletela kuzibisigwa. Wa kakonga kwa ciindi cilamfu. Ndili Mwana wa Leza muumi wakazyalwa kuli nakalindu. Bulowa Bwangu bucili butete aa ciingano, a cikwelete conse cakabbadelwa! To cijisi inguzu. Wa samununwa. Ko Ndipa makki ayo!” Mbo mbubo. Wavuuluka akumupa kubbakela kubotu loko, a kujala citendele canguzu, a kuti, “Kkala omuya! Ndime Simalela kuzwida lino.”

<sup>88</sup> Lino, Ta kajisi makki aku Bwami, nkaambo Wa kaapa kuli Petro; tula cijana eco coonse kuseeni, mu lubbizyo lwa maanzi. Pele wa kajisi makki aku lufu a gehena, nkabela Wa kaatola; kwinde kubuke Bwakwe, Wa kati, “Ndi jisi makki aku lufu a gehena.” Petro waka jisi makki aku Bwami. Saatani waka jisi makkii aku lufu a gehena; pele eno Jesu wainka kuyo abweza, Ngu Simalela.

<sup>89</sup> Mpaawa Wa talika kweenda. Kuyabuba Pasika; ciindi ciya bumana cakufwambaana. Pele kuli nkamu imbi. Uli kuli Jobu? Uli kuli Abrahamu? Bali kuli? Bali kuli bantu abo baka syoma Ijwi lya Leza? Sa waka Ba luba? Sena lufu lwaka banyonyoona? Sa oko kwakali koonse? Nee, nee; Leza weelede kubamba Ijwi Lyakwe.

<sup>90</sup> Nda konzya ku Mu bona. Atu bweze kusondela kuniini mu Paradaiso, a kusondela omuya. Elyo Nda bona Sarah a Abrahamu kabeenda onse alya, elyo kwiinde kaindi [Mukwesu Branham wakonkomona—Mul.] cintucimwi aa mulyango. Abrahamu waunka akujula mulyango, akuti, “Oyandwa, boola okuno. Langa awa! Langa awa, oyo ngo Nguwe wini wakaimikila antomwe andime kungsi lya mubanga buzuba obo.” Ngu Leza wa Abrahamu.

<sup>91</sup> Mpoonya awo Nda konzya kubona Daniele kasondela ku ciwezo cakwe, a kuti, “Oyo ngo Mwaala wakazyulwa kuzwa ku mulundu, cakasimpe mbuli Mbwe imvwi awa.”

<sup>92</sup> Nda mubona Jobu kabuka, akuti, “Oyo ngo Munununi wangu Ngwe kaamba kuti Nda kalizi kuteeti wakali kupona, nkabela buzubabumwi Wa kali kuyoimikila atala lya nyika. Mubili wangu kwayanda inga tii lyaba itwe lizula muli conco, pele mu maminiti ali kkumi aosanwe kuzwida lino Njo oba muli nguwo alubo. Ngo Nguwe.”

<sup>93</sup> Ezekieli wakasondela atala, a kuti, “Nda kamubona oyo Muntu nguonya mbuli Vwili akati ka Vwili, kalinyona, kulaale akati ka mulengalenga.” Oh, ma!

<sup>94</sup> Mpawo atala kwasika Enoki. Enoki wakati, “Nda ka Mu bona kali antomwe a zyuulu zili kkumi zya basalali Bakwe, kacita lubeta.”

<sup>95</sup> Mbaabo bakali basalali ba Cizuminano Cakaindi kabalindila, masimpe bakali kucita, kungsi lya mulungo wa bulowa. Teeba kakonzya kuya mu Busyu bwa Leza, Leza wa

Julu, nkaambo bulowa bwa mpongo a mbelele tii bwa kakonzya kugusya cibi.

<sup>96</sup> Pele Wa kati, “Bakwesu bangu, Ndime Oyo ngo muyeeya kuti Ndime. Ndili Lunyungu lwa mwanakazi. Ndili Mwana wa Davida. Ndili Mwana wa Leza. Ndili Oyo wakazyala kuli nakalindu. Bulowa Bwangu bwa cilungila. Mwa kalindila kungsi lya bulowa bwa mbelele a mpongo, pele lino Bulowa Bwangu bula lungila, nkabela mwaanguluka. Atu tante, kuya butandila kuba Pasika.” Amuyeeeye buyo, eyo yakali myaka itandila ku cuulu a myaanda ili fuka a bumwi yakainda, sunumasiku.

<sup>97</sup> Nda konzya kumvwa Abrahamu kati, “Mwami, cindi twa kutanta kunjila mibili yesu alubo; nkabela Sarah a Ndime twa kacyanda kapati; sa inga Wa kasya kulesya kusiba, kubaanga nkwa, mu lweendo Lwako?”

<sup>98</sup> Ee, Nda konzya ku Mu mvwa kati, “Baa, peepe, nee nconzyo. Ndiyo kkala a basikwiya Bangu kutandila mazuba ali makumi one. Langa konse a kubona obo zintuzyonse mbo zilibonya!”

<sup>99</sup> Aa Pasika elyo lyabulemu kuseeni (oko nko tuyo bweza kuseeni, na Mwami wayanda) cindi Na kabuka kuzwa ku bafu, Bbaibbele lyakati, kweendelana ku Musalali Matayo 27, kuteeti, “Basalali banji ibakalede mu bulongo bwa nyika, bakabuka akuzwa mu zyuumbwe.” Wa kali ni? Abrahamu, Izaka, Jakobo, Jobu, abo balo kwinda ku ciyubunuzyo cakumuuya cakayubununwa bakalizi kuti Munununi uya kwiimikila aa nyika buzubabumwi. Mbe mbabo, tubalwebalwe twa baabo bakoona. Alya bakeenda mu muunzi. Nda konzya kubona Sarah a Abrahamu, bakubusyi, a kuzula. . . a kweebeka, a—a kuzula buumi, kutayo cemaala limbi, kutayo ciswa limbi, kutayo fwanzala limbi, kabeenda konse mu mibili yabo.

<sup>100</sup> Kayafasi kaimvwi alya, kati, “Muli cizi cintu na? Kwakali cintucimwi caka citika buzuba bumwi, amulange buyo oku kupilingana eli tempele molibede! Kuli. . . Tula yandika kujana umwi kuti asume cisitikizyo eco. Langa ezyo, cibbokesi ca zituuzyo casandamunwa. Ncinzi cakacitika? Sa oyo Mulombwana wakali musondi? Sa Wa kali mulozi? Na, ncinzi cakacitika? Kwaamba! Boola okuno, Josephus, mbaani abaya banabukwetene baimvwi alya?”

Abrahamu wakati, “Sarah, twa zibwa. Ncibotu twa zwa awa.”

<sup>101</sup> “Bakabonekela ku banji!” Oko tii kwakali konse kwa ncico. Mu kujala, amulangilile. Buzuba bumwi cindi Na ka. . . naka swaya; Abrahamu, Izaka, Jakobo, aboonse babo baka swaide nyika yakuzyalilwa. Cindi Jesu nakatanta kujulu. . .

<sup>102</sup> Yebo wati, “Mukwesu Branham, sa ako nkaano kabuyo?” Peepe, munene! Ndila kutondezya mu Malembe, mu kaindi kaniini.

103 Cindi Na katalika kutanta, bakabona Nguwe alikke, pele basalali ba Cizuminano Cakaindi bakaunka a Nguwe, nkambo Bbaibbele lyakati, “Wa kasaala busaali, akupa zipego ku bantu.” Elyo Nda konzya ku Mubona mbuli Mbwa tanta kujulu, a kasangana mbungano Yakwe.

104 Baangelo bobilo kuzwa mu nkamu yabaabo bakali kulizya ciimbo, kapiluka okuya, a kuti, “Nywebo nobaalumi baku Galilaya, nkaambonzi muliimvwi kamupungula? Nkambo oyu nguwenya Jesu, wakatolwa kujulu, uyo boola alubo.” Cili masimpe! Ba kabindaana kupiluka kusangana matobelanwa azintu.

105 Elyo ansi kwindi mu milengalenga Jesu a basalali ba Cizuminano Cakaindi bakainka. Ba kaindilila mweezi, ba kaindilila zuba, ba kaindilila nyenyeezi. Elyo cindi niba kabona ayo Majulu, malemu mabotu aatuba, basalali ba Cizuminano Cakaindi ba koompolola, baka balulula Lugwalo, “Amu sumpuke, nomilyango iteeli, a kusumpulwe! Amu sumpuke, nomilyango iteeli, alimwi amu sumpulwe! Alimwi mulekele Mwami wa Bulemu anjile!”

106 Boonse Baangelo bakabungana atala lya zijatilizyo zya Julu, a kuti, “Nguni oyu Mwami wa Bulemu?”

107 I basalali ba Cizuminano Cakaindi bakati, “I Mwami wa makamu, singuzu mu nkondo! Wa kali Muzundi!”

108 I Angelo waka tyanka bbatani mpati, nkabela milyango ya ngale ya kajuka canguzu.

109 Mpoonya ansi kwindi mu Munzi wa Jerusalem kwakasika Muzundi, mupati singuzu, kaleta basalali ba Cizuminano Cakaindi. I nkamu zya bangelo kazilizya nyimbo, mbuli koongolola kwa Baangelo. Wa kali Muzundi singuzu! Wa kajisi makkii aku lufu a gehena kaalengelela ku lubazu Lwakwe, kaselemuka nkoonya kwiindilila mapalesi aa Bulemu mane Wa kasika ku Cuuno cabwami. Elyo Wa kati, “Taata, mbaaba we. Ba kasyoma, mu lusyomo ku Ijwi Lyako, kuti Ne kasika buzubabumwi. Nda kazunda lufu a gehena.” Cakali cinzi, mukwesu? Wa kabweza nembe mu janza Lyakwe, ku kutondezya kuti Wa kali mu nkondo. Bulemu kuli Leza mu julu lyamajulu! Walo ngooyo Muzundi mupati! “Mbaaba we, Taata; Abrahamu, Izaka, a Jakobo.”

110 Nda konzya ku Mu mvwa kati, “Mulombe, kotanta okuno ku lubazu Lwangu, akukkala acuuno kusikila Nka citye sinkodo onse kuba butandabilo bwa mauu Ako.” Mukwesu, buzubabumwi Njo boola alubo, nkabela ino bunooli buzuba!

111 Ta kaumwine buyo zii cindi Na kali mu kabanda. Tu yeeya kuti wakalede buyo omuya, kafwide. Pele Wa kali ansi ka cizunda, Wa kaunka ansi akubweza makkii kuzwa kuli Saatani,



Uli ajisi makkii aku lufu a gehena, sunumasiku. Wa kati, “Nkaambo Ndila pona, inga mwapona, anywebo.”

<sup>112</sup> Nda libuzya sunumasiku, mukwesu a mucizi, uuyandwa, sena wa ciyeeya eco cakusinizya? Sa ulaziba kuti ukonzya buyo kupona nkaambo Ula pona? Sena wa cilumba kapati kulipa lwako, a kuti, “Leza, mpaawa Mpendi, sizibi, koba siluse kuli ndime”? Sa wakasola kucizumina eco Cituuzyo zili jisilidi zyonse? Sena wakasola ku Mwaambila kuti waka Mu yanda? Sa kucisa kulimvwa kwako cindi wa lubizya? Ikuti na tona sika ku luzibo olo lino, mu kuzikkwa mukabanda aka! Kwalo, ciindi cesu ciya bumana. Kulimvwa buyo kabotu! Pele, Nda libuzya, ikuti na tona sola kutambula Kristo mbuli Mufutuli wako wacigaminina, Nda libuzya ikuti na inga wacicita kuciindi notu kotamika mitwe yesu asyoonto buyo mu ijwi lya mupailo.

<sup>113</sup> Kolizya eyo, *Akati Kuciyta Myaala*, ikuti ula konzya, Mucizi Gertie, ikuti na ilu jisi. Yaa, kufumbwa nco cita.

<sup>114</sup> A mitwe yanu kiikoteme, Ndila mubuzya mubuzyo wini usinizize. Amuyeeye beenzuma, sizibi na musalali, takuli kuteeti ulazimaana cindi twa kuzikka. Buntu buli kubusena bumwi. Lino, Jesu wakaswaya masena obilo, kweendelana ku Magwalo. Nkokuli Nkwa konzya kukujana na waunka sunumasiku? Sa inga wajalilwa mulyango wa luse kumeso aako, nkaambo wa kaka? Yeeya, kutali biyo kuti Walo Mufutuli, Walo Mubetesi. Uli mubetesi eno, ino Mu mubeteka buti? Ko Mu leka abe Mufutuli wako eno.

<sup>115</sup> Kaano kaniini kasika ku mizeezo yangu. Ciindi cimwi cakainda musankwa muniini wakali kkede mu ii—ii cikocikala. Ii ntobolo ya kalila ansi na kagwagwa, nkabela mbizi zya kacija, wa kali kuya ku golonkolo. Simbizi weembela ng’ombe wakazuza a kwiimzya mbizi cikocikala kacitana buyo kunjila mu golonkolo, nkaambo mwakali muvwanda muli ndilyo. Wa kavuna buumi bwa muvwanda.

<sup>116</sup> Myaka yakainda kuzwaawo, kaimvwi mu buyake bwa nkuta. Oyu mulombwana nguwenya wakacita mulandu, wakatola mugwagwa uutali nguwo, waka zulwa. Wa kali kunywa, kuuma njuka, wakadubula muntu; nkabela wa kazulwa, wakajanwa kuzulwa. Elyo mubetesi wakabuka akuti, “Nda kukosweda kuti ukalengelezegwa ku nsingo yako kusikila buumi bwako bufwika bukamane.”

<sup>117</sup> Uulya mwaalumi mukubusyi wakati, “Mubetesi!” Elyo wa kamwaya maccililanwa aa nkuta, mbuli mbwa kasotokela aa cijatilo akuwida ku matende a mubetesi, kuti ajane luse. Wa kati, “Mubetesi, langa kumeso angu! Sena tondi zyi?”

Wa kati, “Peepe, mulombe, Nse citi.”

118 Wa kati, “Ula buyeeya na buumi bwa musankwa muniini ngo kafutula, myaka minji yakainda, kuzwa mu kagwagwa ka mbizi?”

Wa kati, “Iyi, Nda buyeeya.”

119 Wa kati, “Nde ndime musankwa oyo.” Wa kati, “Mubetesi, wa kandi futula kaindi. Kondi futula eno!”

120 I mubetesi wakalanga ansi kuli nguwe, elyo wakati, “Mulombe, obuya buzuba Nda kali mufutuli wako. Sunu Ndili mubetesi wako.”

121 Sunu Walo Mufutuli wako, sizibi, juunza kwayanda Uya kuba Mubetesi wako. Atu ciyeeye eno, mbuli ciimbo mbo cilila. Elyo onse muntu kapaila, abo bali amasena akupailila antomwe a Leza.

122 Nda libuzya sunumasiku eno, cakubinda, abo bayanda kuzumina Kristo mbuli Mufutuli wacigaminina, kwaamba kuti, “Leza, koba siluse kuli ndime, sizibi. Ndi yanda kusika kwinda ku Bulowa bwakatika. Nda katala kusangana mabungano a kweendauka kuzwa kubusena kuyaku busena. Ndi yanda kuzyalululwa. Ndi yanda luzibo mu moyo wangu kutegwa Ndi zibe kuti Kristo waliyubununa Mwini kuli ndime, kwinda ku ciyubunuzyo ca kumuuya eco ncozwaa kwaamba, Mukwesu Branhamu. Ndi yanda ciyubunuzyo ca kumuuya, Muuya Uusalala mu moyo wangu, kundibamba kuba muumi, kuleta Kristo kuba kasimpe ncobeni kuli ndime kwinda Mbwe bede kuli lwangu. Ndi yandisya olo luzibo, Mukwesu Branham. Sa inga wandi kombela mbuli Mbwe tambika janza lyangu?” Walombwa utambike janza lyako eno, oyo uyanda kwiibalukwa. Leza aku longezeye, omulindu. Leza a kulongezeye kusule oko, omulindu. Eco ncibotu. Leza a kulongezeye, munene. Eco ncibotu. Amutambike a maanza anu, eno kuzumanana kuya atala a janza lyako.

123 Mbobuti mbo konzya kuusansoni? Sa inga wakaka cili Boobo, mweenzuma? Yeeya.

124 “Oh,” nywebo mwati, “Mukwesu Branham, bakambausi ba kakambauka kwa myaka.” Ndi lizi, pele bumwi bwa mazuba aya bayo leka kukambauka. Alimwi nzila zintu mbo zilibonya, inga kwaba kufwambaana. Uya kumvwa nkambauko yako ya mamanino. Mukasimpe, ndiza oyu ngwa mamanino kuli nduwe.

125 “Oh,” yebo wati, “Ndili muniini.” Eco tacikwe makani. Lufu talu lemeki ciwa ca muntu na musela na kukonzya.

126 Sa ula Mu zumina lino mbuli Mufutuli wacigaminina, ku kutambika janza lyako, kwaamba, “Leza, kondi fwida luse?” Tambika maanza ako antomwe abamwi aba, a kuti, “Lino Ndi yanda kuzumina Kristo.” Sa ula tambika janza lyako?

127 Muntuumwi wakawa, kuti, “Leza, kundi fwida luse. Ndi yanda kujoka kuli Kristo masiku aya, kutegwa juunza kukabe

bubuke, bupya, kuli ndime.” Sa inga watambika maanza ako? Konyamuna janza lyako, akuti, “Kondi fwida luse. Ndi yanda kuboola eno.” Sa ula cicita? Tambika janza lyako, kwaamba, “Nda kali sikuwa, pele sunumasiku...” Leza aku longezeye, omulindu. Leza aku longezeye. Eco ncibotu. “Ndila muzumina Kristo mbuli Mufutuli wangu wacigaminina. Ndila Mu zumina sunumasiku. Nda kaingaila, kwa myaka minji kuzwa kuli Leza, pele eno Nda sika ku muunzi.” Sa ula Mu zumina sunumsiku, kuti obu bube bubuke bupya kuli nduwe, kutegwa buumi bwako bwakale bumane?


<sup>128</sup> Oyu mulindu uboola atala ku cipaililo, kuti alyaambilile, kwiimikila. Muntuumwi uyanda kujana busena bwakwe okuno, kusika atala awa anguwe, ku kulyaambilila kwakwe? Sa inga waimikila, akuboola atala ku cipaililo, awalo? I cipailo cili jukide. Cilimasimpe. Koboola mpoonya atala, ndyoonya eno. Ikuti na uyanda kwiimikila awa a kukomba, kuyooba kabotu. Ko boola. Sa ulaboola? Ku lyaambilila kwa lusyomo lwako, ku kutasyoma mu Mwana wa Leza, sa inga boola lino? Ncibotu.

<sup>129</sup> Cili kuli nduwe, koyeeya. Ndo nduwe. Sena nduwe sizibi? Sena nduwe sikuwa? Sena ulatontola ausakene kuzwa kuli Kristo? Alimwi uyanda kubusigwa a Nguwe eno, akutalika buumi bupya? Ino kujatikizya nduwe, mulumi a mukaintu oyo wakali ku—kali mu bubu ciindi cilamfu, kukwankana mu ng’anda yanu? Sa tamu koboola a kululamika cintu eco kuli Leza a kuli umwi aumwi lino? Amubambe Pasika wini kuba Pasika wanu, kotalika ng’anda mpya.

<sup>130</sup> Ino kujatikizya nduwe nota kajisi, kajisi mupailo mu ng’anda yako, elyo wiinka buyo ku ng’anda kuzwa ku cikombelo a kusola kupona kububotu nko konzya, kuta sola kuswaanganya mukwasyi a kupaila? Nke kaambo tujisi kusunda kwa bakubusyi a zintu nzo tujisi. Nke kaambo maanda amu America nca mwaikide. Sa toko boola, akutalika cabupya sunumasiku? Sena ula cicita? Wa tambwa. Koyeeya, Ndili mukutausi wako lino; Njo oba kamboni ku buzuba obo.

Kuciindi notu kotamikide mitwe yesu, mpawo, lino ku mupailo.

<sup>131</sup> Taata wesu Uulelekedwe Wakujulu, sunumasiku twa leta mbunga eyi kuli Nduwe, mu kusinizya kupati kusetekene oko nko tuzyi. Twa swena cabubombe ku Cuuno Cako cabwami. Elyo kumane Mulumbe sunumasiku, oyo, wa kuzikkwa kupati oko mukabanda, Ta kalala kaumwide, buntu Bwakwe bwakainka moonya mu zilao aku manizya mulimo wa Leza, eyo Nja kasalilwa kucita. Alimwi juunza kuseeni, tuyo jana awo Mpa kainda mu zyooko zyakujulu, kazunda zintuzyonse, mu bubuke Bwakwe. Pele Wa kayutuka aa Pasika kuseeni ku kululamikwa kwesu. Elyo tu jana kuti Wa katuma Muuya Uusalala kujoka, ku kulamya bantu nkambo ka zibi.

<sup>132</sup> Elyo twa lomba sunumasiku, Mwami, kuti abo batambika maanza abo kuti baibalukwe kumbele Lyako. Akube kuti kusala kwabo kuzwe ku moyo wabo sunumasiku, kutegwa ba Ku tambule, aku Ku syoma, akube kuti banamatikwe ku Caando ca cisyomezyo sunumasiku, Muuya Uusalala. Ko cipa, Taata. Nkambo, twa batuula kuli Nduwe, a Mulumbe oyu sunumasiku. Akube kuti Uba longezye abo ba Umvwa, abo, Mwami, baya Kuu tolelela ku maanda abo, a Kuu simpa cakasakana mu myoyo yabo. Akube kuti baka ponene ku Ijwi lya Leza. Ko cipa, Taata, nkambo twa cilomba mu Zina lya Kristo. Ameni. 

*KUZIKKWA MUKABANDA* TNG57-0420  
(The Entombment)

MATOBELANWA AALUBUKULUSYO LWA PASIKA

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Mujibelo mangolezya, Mukubwekaangala 20, 1957, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubeleseghwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)